

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA NOVO SARAJEVO
JU CENTAR ZA ODGOJ, OBRAZOVANJE I REHABILITACIJU „VLADIMIR NAZOR“
AZIZE ŠAĆIRBEGOVIĆ 80
71 000 SARAJEVO

Broj:01-1755-1/26

Datum: 02.07.2026. godine

Na osnovu člana 111. Zakona o odgoju i obrazovanju u osnovnoj i srednjoj školi u Kantonu Sarajevu („Sl. Novine Kantona Sarajevo“ br. 27/24). Na osnovu člana 69. stav (3), člana 70. st. 1. 4. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), postupku javne nabavke „Nabavka proizvoda za čišćenje“, direktor centra d o n o s i :

O D L U K U
o poništenju postupka javne nabavke

„Nabavka proizvoda za čišćenje“
(3041-7-1-76-3-4/26)

Član 1.

Poništava se postupak javne nabavke „Nabavka proizvoda za čišćenje“ zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke, u skladu sa članom 69. stav (3) Zakona o javnim nabavkama BiH („Sl. glasnik BiH“, broj 39/14, 59/22 i 50/24).

Član 2.

Za izvršenje ove odluke zadužuje se i ovlašćuje uprava škole

Član 3.

Ova odluka objavit će se na web-stranici.

Član 4.

Ova odluka stupa na snagu danom donošenja.

Obrazloženje

Postupak javne nabavke „Nabavka proizvoda za čišćenje“ pokrenut je Odlukom o pokretanju postupka javne nabavke broj: 01-680/26 od 09.03.2026.godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je 20.000,00 KM.

Obavijest o nabavci broj: 3041-7-1-76-3-4/26 objavljena je na Portalu javnih nabavki dana 21.04.2026. godine.

Komisija za javnu nabavku imenovana je Odlukom broj: 01-923/26 od 07.04.2026. godine.

Komisija za javnu nabavku dostavila je dana 05.05.2026. godine Zapisnik sa otvaranja ponuda, te nakon okončanja e-aukcije zapisnik o ocjeni ponuda i preporuku o izboru najpovoljnijeg ponuđača u postupku javne nabavke proizvoda za čišćenje.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4.
- da su blagovremeno zaprimljene 4 ponude;
- da nije bilo neblagovremeno zaprimljenih ponuda;
- da su ponude ponuđača MT – Trade d.o.o., Inter-com d.o.o. i Defter d.o.o. ocijenjene kao prihvatljive, dok je ponuda ponuđača R&S d.o.o. ocijenjena kao nepravilna, što je detaljno obrazloženo u Zapisniku o pregledu i ocjeni ponuda broj: 01-1189/26 od 08.05.2026. godine koji je dostavljen svim ponuđačima koji su učestvovali u postupku javne nabavke

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz tenderske dokumentacije.

U postupku ocjene provedenog postupka, uprava centra nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim i internim aktima i tenderskom dokumentacijom.

Obzirom da je tenderskom dokumentacijom predviđena e-aukcija, u skladu sa Pravilnikom o uslovima i načinu korištenja e-aukcije („Sl.list BiH“, broj: 80/23), dana 07.05.2026. godine u 14:10 sati održana je e-aukcija prema kriteriju najniže cijene.

Uvidom u priloženu dokumentaciju, nesporno je da je izabrani ponuđač najbolje ocijenjen zbog: **najniže cijene**

Nakon uspješno završene e-aukcije, te shodno priloženom Izvještaju o toku i završetku e-aukcije od 07.05.2026. godine, sačinjena je konačna rang lista ponuđača koji su učestvovali u e-aukciji koja je data u nastavku:

Konačna rang lista prihvatljivih ponuda nakon održane e-aukcije

Naziv / ime ponuđača		Ponuđena cijena (bez PDV-a)
1	MT - Trade d.o.o. Foča	9.000,00 KM
2	Inter – com d.o.o. Zenica	9.400,00 KM
3	Defter d.o.o. Sarajevo	19.906,38 KM

Ugovorni organ je nakon pregleda sve dokumentacije odlučio da prihvati preporuku Komisije za javne nabavke i ugovor dodijeli ponuđaču „MT – Trade d.o.o.“ za ponuđenu cijenu od 9.000,00 KM bez uključenog PDV-a, nakon provedene e-aukcije, obzirom da je u predmetnom postupku ponudio najnižu cijenu tehnički zadovoljavajuće ponude.

U skladu sa tenderskom dokumentacijom i Zakonom o javnim nabavkama propisano je da je ponuđač kojem bude dodijeljen ugovor dužan u roku od 5 (pet) dana od dana prijema odluke o izboru najpovoljnijeg ponuđača, dostaviti dokumente iz člana 45. stav (2) tačka a), b), c) i d) Zakona, kojim dokazuje vjerodostojnost date izjave, odnosno ispunjenje uvjeta definisanih tačkom 1) pod a), b), c) i d). Dokumenti moraju biti fizički dostavljena na protokol ugovornog organa najkasnije peti dan po prijemu odluke o izboru najpovoljnijeg ponuđača, u radnom

vremenu ugovornog organa (od 08:00 do 16:00 sati), te za ugovorni organ nije relevantno na koji su način poslani. **Dostavljeni dokumenti moraju biti originali ili ovjerene kopije i ne mogu biti stariji od 3 (tri) mjeseca**, računajući od dana dostavljanja ponude. Ako izabrani ponuđač ne dostavi u ostavljenom roku definisanu dokumentaciju kojom se dokazuje ispunjavanje postavljenih uvjeta, ugovor će se dodijeliti sljedećem ponuđaču sa rang liste.

Izabrani ponuđač „MT – Trade” d.o.o. Foča u svojoj ponudi dostavio je dokaze iz člana 45. Zakona o javnim nabavkama. Naime, u sklopu ponude dostavio je dokumentaciju kojom dokazuje ispunjenost uslova iz navedenog člana. Međutim, poresko uvjerenje kojim se dokazuje da je ponuđač izmirio sve dospjele obaveze i sporedna poreska davanja, koje je dostavljeno u sastavu ponude, nije dostavljeno u formi propisanoj Zakonom o javnim nabavkama BiH i zahtjevima tenderske dokumentacije, s obzirom na to da isto nije dostavljeno u originalu niti kao ovjerena kopija originala.

Nadalje, ni nakon prijema Odluke o izboru ponuđača, izabrani ponuđač nije u ostavljenom roku dostavio predmetno poresko uvjerenje u formi i na način propisan Zakonom o javnim nabavkama BiH i uslovima utvrđenim tenderskom dokumentacijom.

Ugovorni organ donosi Odluku o izboru drugorangiranog ponuđača broj:01-1355/2026 od 26.05.2026.godine, te Odluku o izboru drugorangiranog ponuđača „Inter-com“ d.o.o. Zenica, dostavlja svim ponuđačima koji su učestvovali u postupku javne nabavke.

U skladu sa tenderskom dokumentacijom i Zakonom o javnim nabavkama propisano je da je ponuđač kojem bude dodijeljen ugovor dužan u roku od 5 (pet) dana od dana prijema odluke o izboru najpovoljnijeg ponuđača, dostaviti dokumente iz člana 45. stav (2) tačka a), b), c) i d) Zakona. Međutim, izabrani drugorangirani ponuđač „Inter-com“ d.o.o. Zenica, u propisanom roku nije dostavio tražene dokumente.

Nakon što je izabrani drugorangirani ponuđač propustio dostaviti zahtjevanu dokumentaciju, Ugovorni organ je donio Odluku o izboru trećerangiranog ponuđača **Defter d.o.o. Sarajevo**, broj:01-1652/2026 od 23.06.2026.godine, te istu dostavio svim ponuđačima koji su učestvovali u predmetnom postupku javne nabavke, u skladu sa odredbama Zakona o javnim nabavkama. Međutim, trećerangirani ponuđač „Defter d.o.o.“ Sarajevo u ostavljenom roku nije dostavio dokaze iz člana 45. Zakona o javnim nabavkama.

Nakon sagledavanja svih činjenica i okolnosti konkretnog slučaja, nisu utvrđeni razlozi, nepravilnosti niti propusti u radu Ugovornog organa koji bi mogli predstavljati osnov za donošenje drugačije odluke ili koji bi upućivali na nezakonito postupanje Ugovornog organa u toku provođenja postupka javne nabavke.

Naime, u predmetnom postupku javne nabavke nesporno je utvrđeno da Ugovorni organ navedene okolnosti nije mogao predvidjeti prije pokretanja postupka javne nabavke, niti tokom provođenja samog postupka. Nemogućnost zaključenja ugovora nastupila je usljed okolnosti koje su se pojavile nakon provođenja postupka ocjene ponuda i izbora ponuđača, odnosno usljed činjenice da izabrani ponuđači nisu dostavili dokaze iz člana 45. Zakona o javnim nabavkama u skladu sa zakonom i zahtjevima tenderske dokumentacije. Slijedom navedenog, stekli su se uslovi za donošenje Odluke o poništenju postupka javne nabavke, u skladu sa članom 69. stav (3) Zakona o javnim nabavkama BiH.

Iz navedenih razloga, primjenom člana 69. stav (3) Zakona o javnim nabavkama odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba URŽ-u putem ugovornog organa najkasnije u roku od 5 (pet) dana od dana prijema od ove odluke.

M.P


Direktor
Hamza Patković

Dostaviti:

- ponuđačima
- web stranica škole
- računovodstvu radi objave na Portalu javnih nabavki
- a/a